

Nuorttanaste

„Mutto go si oidne naste, de šadde si illoi.“

„Son (Jesus) læ dat čuvvgis iddedes guovsonaste.“

Nr. 23.

15. jakkegærdde.

»Nuorttanaste« maksa ovta kruvna jakko-
dagast, bladde dinggujuvvu juokke poasta-
rappe bokte.

15. December 1913.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

„Digjidi læ odne bæste riegadam.“

(Lukas 2,11)

„Digjidi læ odne bæste riega-
dam“ læ juovlai ilolaš saka. Ibmel manak gullet dam alelassi ja illodet sagga damditi, go dat læ duottavuotta muittaluvvum alme engelin — ja ibmelmanak illodet damditi, go si personalažat æidaduššet dam bæste, mi bođi mailbmai addem varas agalaš ællema. Dat læ daggar čiegnalas likko sin sielo siste atte i oktage sist sate ollaset muittalet dam nuftgo datošegje. Dam likko maid mi dovddap, dam sielo rafhe maid mi æigaduššet ja dat agalašvuoda doaiva mi dalka bavšas boddoid njalgesen migjidi, i mate oktage čilgget, mutto maidnujuvvum lekus Ibmel namma go son su bardnes Jesus Kristus bokte læ almostattam gæino vavvan suddolažaidi, nuft atte buokak gudek dattok gæččat dam bæstai, mi sardnedep, bessek dovddat ja muosatet dam likko.

„Digjidi,“ celkkek engelak, „læ odne bæste riegam.“ Gæk læk dak, gæidi engelak sardnu? Gæk læk dak olbmuk, gudek galggek dam bæste vuostaivalddet, dam addaldaga, „bæste,“ alme Ibmelest? — Mu ustebam, addaldak læ addujuvvum dudnji. Dat læ dudnji, gutte gulak dam saga, addaldak læ addujuvvum. Dat læ dudnji, gæn suddo læ billedam,

dat læ dudnji, gutte læk jabmam bagjelduolbmamid siste — ustebam dat læ dudnji bæste læ boat-tam!

Dat læk don, gutte darbašak bæste — ja dat læ du, gæn Jesus datto bæstet. Dat læ du son su basse riegadæmest ja buttes ja vanhurskes ællemest ja su vigetes jabmemest bokte læ oastam satan famost Ibmeli. Gula don mu ustebam, gutte šuokak ja balak dam ællemest, mi algga jabmem mannel, don, gutte balak ællemækkedest, dast læ okta aja, gost don šaddak violggaden, dast læ bæste, mi adda suddolažaidi agalaš ællema!

Lækgo don gullam, atte bæste læ riegam? Lækgo don gullam atte dat læi dudnji? Gula mu ustebam, gutte vagjolak suddo gæino alde, dal muittaluvvu dudnji, atte Jesus rakista suddolažaid. Son addi su hægast buokai ondast gudek vagjolet agalaš hævatussi.

Oskokogo don dam? Oskokgo atte dat læi du ječad. Lækgo don vuostaivalddam Jesus nuftgo du ječad bæste? Don læk likkolas, dust læk juovlak — juovlaillo du sielo siste — dust, gutte læk vuvstaivalddam Jesus osko bokte nuftgo du bæste. Æi gavdnu makkege sevdnjis balvai mak sattek hettet du læt ilost, go don gæčak Jesus ala.

Don gutte aibašak likko mannai, don gutte manak ja gæčak dušše ædnami, don gutte givseduvuk suddost. „Gæča, mon muittalam dudnji stuora ilo, okta bæste læ riegam.“ Okta gutte læ valddam du hægjovuodaid ja

suddo. Dat læ okta, gutte læ šaddam garrodussan du ondast, battar su lusa — son vuordda du. Cælke sudnji buok du hædad ja orost su lutto dassačigo don gulak son cælkka: „Don læk mu, mon læm oastam du mu obmudakkam. Aigokgo don addet sudnji saje du vaimost? Ale cælke atte don læk nuft stuora suddolaš, son bođi aito dam varast atte valddet assamsaje da vaibmoi. Difte su buttes-tet du suddolaš vaimo.

Digjidi læ odne bæste riegam!

Savadedin ilolaš juovlai buok „Nuorttanaste“ lokkidi ja ustebidi gæiguim mon læm šaddam oapesen.

Olaf Reiertsen.

Juovlla-muittalus.

„Mon im sate šaddat kristalažžan ouddalgo mannel juovlai.“

Ovta kristalaš kaptæinast læi mielde okta nuorra šiega, „nubbe stivraman.“ Kaptæina sardnu davja dam nuorra stivramannai man dat læi avkalaš bestujuvvut ja goččui stivramanne vuostaivalddet Jesus nuftgo su bæste. Stivramanne vastedi alelassi: „Mon datom gal šaddat kristalažžan, mutto im vuost.“

Moadde bæive ouddal juovlai borjasti kaptæina Englandast Norgi juovlaidi. Buokak illodegje bæssat juovlaidi ruoktot — buokak dækkaganda rajest kaptæina ragjai legje ilost.

Kaptæina boatta su lanjastes dæka ala, de čuožžok buokak rækka vuostai ja illodek go oidnek vahaš dam vuostas gæčastaga Nor-

ga muottagestgokčom varin. Kaptæina manna dam nuorra stivramanne lusa ja jœrra: „Ikgo don vela aigo addet ječad Ibmel hald-
doi ouddalگو boadak sidi, ikgo don haled ællet daid juovlai Jesusin?“

„Mon im sate šaddat Ibmel manna ouddal juovlai, kaptæina, „mon im duosta boattet sidi nuftgo kristalaš. Juovlai galgam mon naittalet, ja mon im diede maid mu moarsse cælkka, go mon boadam sidi nuftgo kristalaš. Mon im sate dal, mutto mon loppedam dudnji kaptæina, atte maŋnel juovlai, go mi fast borjanak olgus aigom mon šaddat kristalaš.“

Kaptæina cælkka sudnji: Rakis don ale maŋned, dat satta makset dudnji ollo.“

Dam sagastallama maŋnel manna kaptæina fast su ladnjasis. Oanekaš aige maŋnel gullu čuorvas ja stoakko dæka alde. Kaptæina viekka bajas ja dat vuostas maid son bæσαι gullat, go son bodi dæka ala: „Olmaj bagjel ruovda!“

Skipa orostattujuvvui ja vanaš luitui merri, mutto buok gæčalæbme læi duššalaš. Dat sæmma stivramanne, mi gieskad læi cækkam: „Mon im sate šaddat kristalažžan ouddalگو maŋnel juovlai,“ læi dal agalažat lappum. — Jurdaš, dat maŋemuš goččom jorggalæbmai læi bagjelgeččum!

Odne go don gulak su jiena, de ale buoššod du vaimod!

(O. K. R.)

Juovlla-lavla.

Landstad no. 150.

Mon lavlom lavllagid,
Hui stuora ilost læm!
Mu rakis Jesus vælla
Dam stalja garžes krubba sist;
Deg' čielgga bæivaš mogja
Son ædnes aske ald'.
:/: Son mu bæste læ. :/:
O, Jesus manaš don,
Du maŋnai aibaš mon.
Mu jeđde alelassi.

Mu goađe sisa lavkk',
Mu divte ječad gæččat,
De buore dilest læm!
:/: Mu gæse aldsesad! :/:

Man lađes Ibmel læ,
Su barnes vuolgati.
Mi leimek billestuvvum
Buok bahavuoda sist,
De migjidi son hakkam
Buok alme rafhe læ.
:/: Vare lifčim dost! :/:

Gost daggar illo læ,
Go bagjen alme sist,
Gost engel-joavkko lavllo
Dam odđa lavllaga
Min Hærra saje oudast
Basuni čuogjamin.
:/: Vare lifčim dost! :/:

XI.

Smavva bittak juovlaidi.

(Sisasaddi XI.)

Jusus.

(Matt. 1,21.)

Rakis manna.

„Don galgak goččot su nama Jesusen: dastgo son galgga bæstet su olbmuides sin suddoinesek erit.“ Nuft celki engel Marjai Bæste galgai Jesus læt. Lækgo don jurdašam dam ala? Du bæste, du ače ja du ædne bæste, buok olmui bæste. I oktage læk dakkam nu ædnag du oudast go Jesus. I oktage væje dakkat du nu likkolažžam go Jesus. Ik don galle lakkage arved vela dalge, manen son datto læt dudnji. Mutto don diedak, go Jesus riegadi juovllaija Betleheimest, de lavloi engel joavkko ja giti Ibmela dainago Jesus ainas læi riegadam. Ja dam rajest læk juovlak læmaš jage ilolemus hæjak sturraidi ja smavvaidi. Ja ovta gærde bovde son su stuora ja smavva ustebides hæjai-
di alme čuvvggis salain. Datokgo don særvvat hæjaiidi dobbe bagjen?

*

Juovlla-illo

(Lukas 2,10).

Mi læ juovllaillo? Vuost atte oažžot oaidnet Jesusa ješ, ja oaidnet dam maid son læ dakkam min oudast, nuft atte mi ferttep cælkket: Vuoi, maggar rakisvuotta!

Min oaivegavpuga siste læ muttom boares olmai čokkamen; čuovgatoebme son maidai læ goabbašagain čalmines. Mutto de son bodi buoccevissoi ja opererejuvvut, ja dam rajest oainos muttom muddoi oažžoi ruoktot nubbe čalmestes. — Go son dalle bodi sidases buoccamviesost erit — dat læi aido oudebjuovllabæive, ja son gukkes aige maŋnel galgai gæččalet lokkat vešaš su bibbalestes, ja son ravasti dam — „jurdaš,“ celki son ješ, de mu čalbme gæcai aido dai sani ala: „Digjidi læ odne bæsteriegadam!“

„Duodai, de šadde juovlak munjige dalle, matak don jakket.“ celki son vela, ja guokte stuora gadnjala jorruleiga dam boares olbma cekkujuvvum nierai nielde vuolas.

Duodai, atte gæččat Jesusa dam lakai oudašægje ja rokkadalle gittosin, dat læ aido juovllaillo, dat agalaš, mi i goassege šat æmbo mate jabmet ædnam alde. Ja vai dat illo šad-da odasen ja dærvasen min siste, damditi boatta Ibmel dal min lusa odđa juovlaiguim, ja dikta fastain Jesus mana suovjardet min vuostai obba su hærvasvuodastes. —

Ibmeli lekus dalle gitos odđa juovlla-hæjai oudast!

Ja, man Marja muodok alma læk baittam ædneavost juokke gærde, go son oažoi oudančajetet dam su davveres ærrasidi, baimanidi dam vuostas juovlla-ækked, daidi vises ja alla olbmaid, gudek botte gukken erit, ja buok ærasidi. Duodai, dat maida gul-la juovllailloi, illo dast atte oažžot čajetet su ærrasidi, gudek æi dovda su. Miššon-illon mi goččop dam ilo.

Rakis Ibmel, atte oažžot

oaidnet Jesusa, du stuora juovlaaddaldaga mailbmai, ja atte oažžot oudančajetet su ærrasidi, divte dam læt migjidi dat rakkasemus ašše, maid mi diettep! Amen!

*

Sist, guđek læk vuoinast vaivašak læ dat guoros gietta maid Ibmel matta oažžot dævdet su riggodagaines.

*

Buok orromsajek almes læk bæivaš-stovok, i mikkege dain oro suovvanbæle guvllui. — Dastgo dat læ ibnelaš rakisyuođa čuovgas, mi čuovga stovoin; — Ibmel ješ læ bæivaš ja čuovgas. Mutto dušše okta gæidno doalvvo dain hærvassvutti. Jesus læ gæino ja ukša.

*

Læk olbinuk guđek læk oaidnam obba mailme, mutto æi ješ ječasek, ja damditi æi si illod Jesusest, æige dovda dam duotta juovllailo.

*

Matke-jurddagak.

Læi vuorddem-salast muttom ruovdegæinostašonalde. Dast loaidasti muttom boares boandar gukkes vilggis vuovtaiguim muttom herra lusa ja jærai: »Ale bahhan valde, gost erit don boadak?« Herra vastedi: »Im mon jæra olbinuin, gost erit si bottek. — Læ munji sagga vægjelæbbo atte oažžot diettet, gosa si vulggek.« Oroi boandara mielast, dego son arvedifčē daid sanid — son gulai bielloid gæčestastast æra ruovdegæino alde ja celki: »Mon? Mon aigom vulgget dam aimalaš Jerusalemi.« »Dam monges aigom,« celki nubbe. Dalle moai vulgge dam sæmma gæino. Gæčal gost erit olbmuk læk, dam mi diettep. Si læk buokak æduamest erit boattam I læk mikkege erotusaid. Mutto gosa si vulggek, dat læ oaivve-ærotus « Igo duot olmai vastedam riektā? Gosa don vuolgak? Herra addaši min atte mattet cælkket: Mon manam vad-dost, gosa mon manam, Mon manam atestusai siste, gosa mon manam, Mon manam jabmemi, gosa mon manam, Mon manam engeliguim, gosa mon manam, Mon manam Jesusa mielde, gosa mon manam Mon manam albmai, gosa mon manam.

Mon savam „Nuorttanaste“ olgusaddai ja buok dam lokkidi, stuurraidi

ja smavvaidi

Ilolaš juovlaid!

XI.

Juovllabitta Nuorttanastai

Dovle čuojai bæste riegadæme birra Betleheimest. Dak legje oabme gæčček, gæidi dat almalašvuotta vuost oidnujuvvui. Algost si suorgganegje dam oainatusast; mutto mannel si šadde illoi; dastgo almalaš væka muittali sigjidi dam hærvass saga: »Digjidi læ odne bæste riegadam, gutte læ dat Herra Kristus.« — Ja almalaš væka lavloi: Dal ædnam alde læ rafhe ja olbmuidi buoredokkalašvuotta.

Bæste riegadæmest galgga læt buok olbmui juovllaillo; mutto dam sagjai adnek si juovllailo bærgalaga balvvalusa sist. Sin gattamættomvuodæsek sist æi si dieđe, mi sin juovllaillo galgga læt. Go i læk vaibmo čuvvggijuvvum, moft matta ilo adnet dam sist, namalassi bæste riegadæmest.

Muttom olbmuk gaddet, atte dalle sist læ juovllaillo, go sist læ muttom glassa vidne juovlai aige; dam gæčeld si sattet cælkket ilolaš juovlaid. Ustebam, læigo dat dam lagaš illo, maid engelak gulategje oabmegæččidi? I eisege. Dat læ almalaš illo, mi galgga læt bæste riegadæmest; mutto dak læk harvek, guđek adnek sin illosek su bokte. Jos æp ane ilo su bokte, de dam šaddap okti bæččaget gattat; mutto dalle i væket šat æmbo. Fuollamættom gažžaresvuotta šadda dalle migjidi giellan, jos æp ane min illomek su siste. Vare min vaibmo jorggalifčē su guvllui nu atte mi dovdašimek su, gutte bođi su ječas olbmuides lusa, ja su ječas olbmuk æi vuostaivalddam su Nuft læ maidai muttomak mistge. Son læ boattam, vai ilo su sist anašimek. Vuoi min, jos bagjelgæččep su, æp illod su siste! Vare Jesus bæsaši doallat juovllailo min vaimost, dalle šaddaši dat ođđa jakke, mi dal læ jotteles lavki-guim lakkancømen, okta ilolaš jakke. Ibmel væketekus min dasa!

Ilolaš juovlaid savam mon Herra siste buok »Nuorttanaste« lokkedi!

John Josefsen.

Juovlla-salbma.

Nuotta: Čabbes alme alek læ.

Gitos, rakis Jesus Krist, gi læk vællam krubba sist! Vaivaš nisson fatmes oadđam, alme hærvassvuodast roadđam. ;: Don min aidno bæste læk. ;:

Gitos, go don luoitad k ædnami ja garvvodik oaže hame ječad ala, dævdet dam, maid cælkka čala. ;: Don min aidno bæste læk. ;:

Gitos, go don rakistak! Gitos, go don varjalak! Jabmemi læk ječad addam, ja min davveren læk šaddam. ;: Don min aidno bæste læk. ;:

Gitos, rakis Jesusam! Gitos obba vaimostam! Must læ duotta juovllaillo, vaibmom dovdda dam ja siello. ;: Don min aidno bæste læk. ;:

Gitos, go mi gavnadep, ja du almet dæivadep! Gitos go du bæssap maidnot, ja du hærvassvuoda oaidnet! ;: Don min aidno bæste læk. ;:

Gitos, go mist sida læ, mi i noga goassege! Gitos, go læ moraš vassam! Gadnjal don læk eritbassam. ;: Gitos, rakis bæstamek! ;:

O v l a H æ n d a r a k .

Juovllabasek.

Jesus riegadæbme.

Ja engel celki sigjidi: Allet bala, dastgo gæča, mon muittalam digjidi stuora ilo, mi gaoska buok olbmuidi; digjidi læ odne bæste riegadam, gi læ Kristus, Herra, David gavpugest. Lak. 2,10 11.

Dat læ inas jurdašet, go mi lokkap Ibmel sanest engeli duodaštusa ja balvvalusai birra, moft dak doluš aige davja almostuvvujegje oinulažat cednam alde erinoamačet go dak galgge duodaštet daihe muittalet ovta stuoreb datusa birra, mi farga galgai ollašuvvut. Mi diettep atte engelak læk balvvalægje vuoinak, gæk vægjelæk Ibmel ærani mielde, ja dat læ stuora ja mavsolaš doaimatus, maid engelak doaimatek sikke almet ja ædnam alde. Engelak læk ilost, go si bessek

doaimatet juoga, mi læ stuores ja havskai migjidi, ja si gitek ja maidnok Ibmela buok dam buorredago oudast, maid son čajeti olbmui vuostai. Dastgo si læk ilost migjidi. —

Mutto mærkaš dam, atte doluš aige go engel læi Ibmelest saddijuvvum ædnami muittalam varas mi galgai dpatuvvat, de vuost celki dat, go bođi dam daihe dai lusa, goina dat galgai sardnut: Ale bala! Gal dieđostge juokke olmuš fertti suorgganet, go son oini fakkestaga engel čuožžomen ječas baldast. Mi diettep, go engel bođi Sakarias lusa, de dat celki vuost: Ale bala, Sakarias! Nuft maidai go Maria lusa bođi. Ja dal lokkap mi dam sæmma oabmegečči birra, go engel celki: Ale bala! Mutto nuft farga go engel læi cækkam daid vuostas sanid Ale bala, de almoti son dalanaga su hærvas æranes daihe saga. Dat hærvasemus ja stuoremus saka, maid engel læ boattam ædnami muittalet, læ dat, mi sistdoalai Jesus rie-gadame birra, dallego son bođi Maria ja oabmegeččid lusa. Dat ilolaš saka, maid engel Gabriel muittali oabmegeččidi læ maidai dat havskemus saka mi goassege læ muittaluuvvum ædnam alde. Mi arvvedep burist dam stuora almalaš joavkost gæk dam ija Betlehem mačest ramedegje Ibmelela dam stuora rakisvuoda oudast, maid son čajeti min suddolaš ædnami: »**Gudne lekus Ibmeli allagasast, rafhe ædnam alde ja olbmuidi su buorredokkalašvuotta.**«

Ja nuft ollo æmbo væra læ dat ilolaš saka, go dat guoska buok olbmuidi daihe buokak sattek læk oasalaža dam illoi, æi dušše samek, dačak j. n. v.; — mutto buok našonak mietta mailme, juokkehažast læ dat sæmma vuoiğgadvuotta. —

»Digjidi læ odne bæste rie-gadam,« læ dat ilolemus sistdoallo engela sagast. Vuoi, moft dam vigites ja buorre engela muođok suonjardegje dego bæivaš, go son daid sanid sarnoi oabmegeččidi, ja moft dat almalaš hærvasvuotta æmbo baittegođi su birra. De æi læm gal duottavuodast guoros ja goikke sanek, maid engel sarnoi. Dai sani siste čuojai mailme bestjubme čielggaset. Oabmegečček dieđostge botte algost suorgganæb mai dai engela sani bokte; mutto go si fast botte ibmerdet čielggaset daid, de i sate gal vissa oktage buođđot sin ilo ja imaštallam. Si oidne Ibmel hærvasvuoda darkelet ja si vurke-jegje engela sanid vaibmosæsek.

Bæste læi rie-gadam. Dat Jesus Kristus, gæn birra profetak juo gukka legje einostam. Aige dievasvuotta

bođi sæmma aige go Ibmel læi mæredam dam; mutto i nuft moft ædnagak doivvu. Gal mangas dam aige visain æppedegje, atte dam ucca gæfhes manačest, gi hæsta staljast rie-gadi ja simpal krubba siste vællai, galgai šaddat gonagas David vieso bagjel — ja mi vel aieb, atte læt mailbme bæste. Dat i orrom gal soappamen olbmui jierbmai dau aige, i nuftgo dat čajeti. Mutto Ibmel gæinok læk alo imašlaža ja su jurddagak aieb go min jurddagak. Dat rakis Ibmel lagedi nuft atte su ječas rakis bardne galgai dam lakai boattet mailbmai, atte son galgai nje-gjat vuolas, šaddat vaivašebbo go guttege, valddet min suddolaš oaze hame bagjelasas ja vagjulet givsid ja bagjelgeččuuvvui siste gæčas su oazalaš ællemaiges dabe. — — — — — Dat læi Ibmelela datto, ja dat læi maidai Jesus datto. Su buolle rakisvuotta mailbmai baggi su valddet buok dam gillamuša, maid mi lifčimek galggam gillat, ječas ala, lonestam diti min. —

Jesus rie-gadi mailme bæsten 1913 jage gæčest, ja damditi adnep mi dal juovllabasiid muittom su rie-gadæbmai. Daddeke i galga juovllabasiid muittom, atte Jesus rie-gadi; mutto dat galgga læt æmbo. Mi galggap erinoamačet juovlaiage vuostaivalddet Jesusa addaldakkan Ibmelest, luoittep su sisa min vaimoidi, go son boatta goalkotet vaimouvsa. Muđoi i šadda dat rivtes juovllaילו.

Rakis usteb, don gi logak dai linjaiid, lægo Jesus bæssam du vaimo sisa, go don læk doallam juovlaid? Jos i de luoite su sisa daid juovlaid, vai don oazok rivtes ja duotta juovllaaddaldaga ja ilo. Alešat gukkeb buoššot du vaimod su oudast, dat bukta dudnji duššefal rafhetesvuoda, ja don ik šadda likkolaš nuft gukka go don viggak duttadet du ællemad mailmalaš iloin ja navdašedin dam maid mailbme suitta daihe dat læš garremjukkamuš, koarttaspeallam dansom- ja teater-suotasvuoda čujatusak. Buok dak gullek bærgalaga balvvalæbmai, ja dak gæsotek olbmui æmbo ja æmbo erit Ibmelast. Varot ainas ječad daina!

Likkolaš dat siello, gi læ gavdnam Jesusa ja alggam čuovvot su, ja gi læ ožžom Jesusa su buoremus juovllaillon. Mutto mærkaš velal Dat olmuš, gi vagjola Jesusin, sust i læk dat havskes illo dušše juovlai aige, mutto sust læ dat gæčos jage, sust læ dat gæčos su ællemaige, sust læk **juovlak nuft gukka go son ælla dabe ædnam alde ja sust læk mangagærdaš juovlak ælmest agalažat.** Dat læ dat hærvasemns obba buok dingain!

De savam loapadassi atte Ibmel su armostes addaši rivtes ja duotta ilolaš juovlaid min rakis „Nuorttanaste“

te“ lokkidi ja min rakis Samidi bagjen ja davagæččen Norgast. Ja ige vajaldattet min rakis redaktora Ovla Andrasa oktan su bærrašin.

Vaimolaš dærvuodaiguim Joh. 14,1—5.

din **Ovla Hændarak.**

Ilolaš ja Hærrast buristsivdnevuvum juovlaid savvap mi buok min blađe lokkedi!

»Nuorttanaste« doaimatus.

Olo sisasaddijuvvum bittak

— sikke sist- ja olggoædnemest — ferttijek orrot maneb nummaridi sajetesvuoda diti. Red.

Juovlla-savaldak!

Go moai æm ollo dam jage sad-det juovllakoartai min fulkidi ja ustebidi, go mon læm jottemen, de aiggop mi dam blađe bokte savvat Hærra buristsivdnevuvum juovlaid buok fulkidi ja ustebidi guk-ken ja lakka.

Adleida, Ovla-Andras ja manak.

Soai čuovoige ovtast.

Okta gonagas ammat olmai Ruotast, friherre Carl Carlson ja su æmed jamiga oktanaga, sæmma ija, mi juo i dpatuva davja.

Naitusdilest ærranaddam

galgga dal læt šaddam Ruota prinša ja su æmed prinsesse Marie gaskast. Soai læva naittusest læmaš dušše 5½ jage ja sodnost læ okta manna.

Samlagai vuolasnjæiddemin

læ dam jage mannam burist. Soames læ dieđostge bissanam; i fal oktage cægganam. Dat čejeta, atte Norga olbmuk læk ožžoin čalmid rabasen dam bahai, maid buollevidne læ buktam.

Dat læ Norga gudne!

Buristdakkun.

Okta skipa gavnai Skagerakast ovta olbina rievddamen ovta vadnasest airoitaga. Son šaddai gagjuuvvut dam manemuš boddost, aido læi vela hægga

Dat vilggis slavagavppe.

89 agenta læ arresterejuvvum olggoædnemest. Si lavijek olbmuid fillet amas ædnamidi, gost si vuvddek sin slavan stuora ruđa oudast. Gal dam mailmest læ manga lagaš gavpalaža. — Dat læ erinoamaš nuorra nissonak, mak dasa fillejuvvjek.

»Nuorttanaste« čalle, prenttejægje ja olgus adde læ **Ole Andersen, Skjoldhavn.**